

讀

爾

雅

日

記

學古堂日記

吳縣董瑞椿讀爾雅日記

釋詁

撫有也

郭注引詩遂撫大東邢疏今本作遂荒此言遂撫者所見本異也或當在齊魯韓詩邵氏晉涵郝氏懿行俱曰撫荒聲轉

案荒之本字爲𡇗𡇗从亾得聲亾有無音撫之可作荒猶無之可作亾也

副審也

案說文副判也判之解爲分析周禮朝士凡有責者有判書故書判爲辨鄭司農云辨讀爲別謂別券也

辨別與分析皆有審義副既解判卽以判之義解副
爾雅所以曰審也郭注副長失之

士察也

注曰士理官主聽察

案士雖主聽察要不可卽謂之察注義非也說文士
者事也事有二義一職守之事同司周禮師氏司王
朝媒氏司男女之無夫家者注並訓司爲察一服役
之事同伺玉篇字林俱曰伺候也察也在說文亦爲
司史記淮南厲王傳使人候伺漢書作候司又案白
虎通通古今辯然不謂之士通辯亦察也景純舍士
之本義反借士師之士未知何故

律述也

案郭注與通皆訓敘述邢疏律管所以述氣經史問
答非之蓋律雖述氣不可卽謂之述也爾雅有一字
具兩義卽以一字包兩訓者錢辛楣云如台朕賚予
之子台朕陽則不明斯例不可以讀斯經此條訓通
之述爲敘述之述璞注可遵訓律之述則爲法術之
術璞注不可遵術作述者如詩日月報我不述釋文
本亦作術也釋詁曰律法也廣雅釋詁又曰術法也
律術旣同訓則律述自可互訓矣

原再也

案原在說文蠡部古文作𠄎說文凡積三爲一之字

俱取重複之意如三人爲眾三日爲疊以及香案屏
龕簾櫨等字指不勝屈原既古文从三泉則瓶
字之初本有重複意在重複者再也禮玉藻酒內之
再失注再失猶復失故周禮以再蠶爲原蠶此經亦
釋原爲再又玉篇再仍也今仍舊吳中評爲原舊殆
亦古訓之偶存者乎

基經也

郭注基業所以自經營

案注近鑿詩終南有紀有堂傳紀基也言紀爲基之
借字也疑此文之基乃紀之借字國語晉語蔽兆之
紀注云紀經也

珍重也

案說文珍目有所恨而止也與重之義殊不相涉竊謂此珍字乃珍之段借廣雅釋詁三珍重也又案杜子春周禮典瑞注珍或爲鎮鎮訓重亦見廣雅釋詁三注疏僅引左傳爲證尙非訓重之本字或疑珍鎮訓重皆不見說文不知說文珍寶也鎮博壓也爲珍鎮之木義訓重卽其引申義也

寤寤也

案說文覺而有言曰寤則此經訓寤之造其本字當爲悟悟覺也今爲造者玉篇悟重文作慧蓋一變爲慧再變爲造也說文無臧氏琳以寤爲悟段欲訂造寤爲寤忤失之

懊忼也

案懊字當作奧說文奧宛也正與此二字同音後人加小作懊遂非說文所有又與鬱聲轉文選含哀懊伊猶言含哀鬱伊也

一說也字衍文古本與下文合爲一條其文曰懊忼渴貪也故玉篇訓懊忼皆爲貪若如今本則顧野王何以不訓懊爲忼乎觀邢疏皆謂愛忼貪羨及引杜預左傳注忼渴皆貪等語可見邢曷所據之本尙無此也字自淺人見與上下文各爲訓之例不合遂任意竄入亦未可知

殷還也

案公輸般列子湯問作公輸班蔡侯般白虎通誅伐
作蔡侯班而易屯之乘馬班如書分器序之班宗彝
釋文俱曰本又作般觀此可知班般之通然以說解
言則班分瑞玉从珏从刀般辟也象舟之旋从舟从
殳殳所以旋也二字之義顯然有別此經訓般爲還
明明般之正詁阮氏校勘記欲易般作班亦百密之
一疏也

釋訓

藹藹濟濟止也

郭注皆賢士盛多之容止

案藹濟之訓止絕不見於他說疑此經藹濟字當爲
遏霽之段借說文遏微止也上釋詁亦曰遏止也霽

說文雨止也高誘注淮南本經霜雪不霽同之或問
段借有徵否曰周憬功勳銘陬隅壅藹遏可作藹之
確據也下釋天濟謂之霽霽可通濟之確據也景純
疏於小學未諧段借之例求訓止之故而不得遂以
容止強解之支離甚矣

訕訕亂也

疏引詩誨爾諄諄

案諄說文告曉之熟也叔明據以訓亂殊失詩人之
旨竊謂訕訕當作蠢蠢同音相段字耳說文心部蠢
亂也春秋傳曰王室日蹙蹙焉今本多以蠢爲之蠢
叔重云蟲動也下文云不遜也蟲動有亂之像不遜
亦有亂之意

釋器

小罍謂之坎

案鼎卦下巽上離象鼎故以名鼎初陰爲足二三四陽爲腹五陰爲耳上陽爲鉉也坎卦上下皆坎而小罍以此名者初陰爲足二陽爲底三四陰爲腹五陽爲頸六陰爲口與罍之形亦相類也鼎以陽爲腹而坎以陰爲腹者鼎就外充言之坎則就其內虛言耳必以名小罍者說文坎陷也蓋平中微陷者謂之坎平中之陷其不大且深可知故後漢杜篤傳彼埴井之潢汙固不容夫吞舟章懷注埴井喻小也埴與坎同見晉書音義下

婦人之褱謂之縹縹綏也

案景純以褱爲香纓孫炎又以爲帨巾考陸釋文幃
本或作褱諒孫郭所見之本必從巾作幃故云然其
實非也幃說文囊也褱說文蔽邾也此經承上文衣
蔽前謂之褱言之似褱與褱同類第褱者男子之蔽
膝而婦人之蔽膝則謂之褱字或作幃猶裳之可通
常帔之可作袂耳復謂之縹者詩東山親結其縹幃
傳帶也蓋以縹爲蔽膝之帶是以經更進訓之曰縹
綏也綏之爲言系也

說文褱系冠纓也

環謂之捐

說文捐棄也與環之義不合竊謂此捐字當是捐之

誤文廣雅釋詁三相圖也通俗文規模曰相在說文則爲圓規也

鑣謂之鑣

說文以鑣爲轅之或體是車衡載轡之名而非鑣之名矣鑣與轅雙聲與銜疊韻疑此經鑣謂之鑣爲銜之段字銜說文馬勒口中也正合鑣之訓馬銜本說文文選楚辭靈懷斷鑣銜以馳驚兮鑣銜竝舉益信銜之卽爲鑣鑣之可稱銜而非以鑣之本詁爲訓也

附耳外謂之鈇

說文無鈇郝懿行謂鈇猶翼也以史記楚世家吞三翮六翼之翼爲鈇聲借字案翼乃鈇之本字非借字

也說文翼敝也引申之則魚腮邊兩鬣亦曰翼

見文選高

唐賦振鱗奮翼注

而鼎之兩耳與翼亦相類故此經象形而

名以翼也翼之或體爲𦏧見下釋地南方有比翼鳥焉釋文後人以其言鼎改从羽之𦏧从金遂作鈇耳

菜謂之𦏧

𦏧在說文爲𦏧或爲𦏧易鼎九四覆公餗釋文馬本

餗作粥

卽粥之省

𦏧糜也見上釋言文糜𦏧也見說文米

部𦏧與菜聲相轉疑此經菜字爲𦏧之𦏧借周禮醢

人羞豆之實醢食𦏧食鄭眾注𦏧食菜餗蒸賈疏引

易鼎覆公餗鄭注云𦏧謂之餗郭璞拘於菜字以𦏧

爲菜茹總名失之蓋𦏧兼菜米不得專指菜且菜之

名皆在釋草不當此句獨載在釋器也

骨鏃不翦羽謂之志

案說文無志字志爲大徐補入十九文之一而此經之志則又爲翦之段借羽部翦飛盛兒錯本作羽盛兒蓋不翦羽之骨鏃卽周禮司弓矢之恆矢用於習射及禮射以自然羽施之而不斷齊令前後輕重適均則散射之時其飛盛其羽亦盛故从羽止聲考儀禮旣夕記志矢一乘軒輶中短衛賈疏短衛卽翦羽也是骨鏃有翦羽而仍謂之志者

蓐謂之茲

郭注引公羊傳曰屬負茲茲蓐席也

案茲字从艸从幺與玄部之茲字聲義俱別茲从二

玄會意廣韻瑚涓切說文黑也茲从絲省聲唐韻子
之切說文草木多益也與蓐之訓爲陳草復生者義
正相合故蓐茲同訓周禮圉師春除蓐鄭注馬茲也
史周本紀康叔封布茲徐廣曰茲藉草之名皆此茲
字至荀子正論篇琅玕龍茲之茲則爲毳之叚借見
楊倞注素問五藏生成論色見青如草茲之茲則爲
茲之形訛而邵正義郝義疏並引以爲證失之

釋樂

小者謂之篴

邢疏李巡曰小者聲揚而小故名篴篴

小也

案小簫名篴與小鼓名應小笙名和無異孫炎注小

者謂之應曰和應大鼓也又注小者謂之和曰應和
於笙然引見邢疏筴从交亦正取交和大簫義揚子法言
吾子篇或問交五聲十二律也李軌注交猶和也是
也李注失之

釋天

四氣和謂之玉燭

郭注道光照

案雅此文無光字注何以言光据邢疏引尸子仁意
篇四氣和爲正光此之謂玉燭疑此四氣和下元本
爾雅尙有爲正光三字郭所見本尙未奪因以道光
照注爲正光與下文四時和爲通正謂之景風句法
亦正一例

七月爲相

案相亦作霜韓勅造孔廟禮器碑青龍在涖歎霜月之靈皇極之日錢氏大昕十駕齋養新錄曰霜月者相月也

歐陽修集古錄疑霜月是九月失之

漢碑引爾雅釋天文爲多

又往往與今釋天文異如張遷碑周憬功勳銘歲在攝提封龍山碑歲辰執涂費鳳碑歲格于大允逢盛碑歲在協給殺阬神祠碑作諮之歲攝提卽攝提格執涂卽執徐大允卽大荒落協給卽協洽作諮卽作噩則霜月自卽相月無疑

涖歎亦卽涖灘

十月爲陽

郭注純陰川事嫌於無陽故以名云邢疏

李巡孫炎皆有其說釋文陽本或作霽

案集韻下平十陽陽下云十月爲陽通作陽是作陽
一木丁度輩猶及見之詩小雅采薇篇歲亦陽止鄭
箋十月爲陽此鄭引時坤用事嫌於無陽故以名此
月爲陽此鄭注爾雅義孔疏孫炎卽是鄭玄之徒其注爾雅
與郭璞皆云嫌於無陽故名之爲陽後漢書馬融傳至子陽月章懷
注亦引此孫炎有說之證玉燭寶典十月孟冬第十
引李巡曰十月萬物深藏伏而待陽也此李巡有說
之證也郭同於孫孫又同於鄭鄭注爾雅必在箋詩
以前故箋詩自引之孫郭則竊取其爾雅注義耳易
繫詞變通配四時李氏鼎祚周易集解引虞翻注坤
復臨配冬又易坤天地之雜也集解引荀爽注消息

之卦坤位在亥此十月坤用事之證也坤卦純陰故
孫郭變時坤之文曰純陰易說卦傳乾西北之卦也
西北極陰之地十月純陰而爲陽月正猶西北極陰
而爲乾位皆所以扶揚抑陰使陽爲陰主也西京雜
記五董仲舒對鮑敞問雨雹曰建亥之月爲純陰不
容都無復陽也薺麥之生由陽升也然則李巡云萬
物深藏者藏於其純陰用事也純陰用事嫌於無陽
非無陽也陽之伏而不見也故李又云伏而待陽言
伏而待其陽氣之升也李巡之說雖與鄭孫郭異其
義亦無不同於鄭孫郭也

焚輪謂之積

郭注暴風從上下邢疏李巡曰暴風從

下來降謂之頽頽下也孫炎曰迴風從上下曰頽
案詩小雅谷風篇維風及頽毛傳頽風之焚輪者也
風薄相扶而上喻朋友相須而成知頽乃從下上之
風初非從上下者下扶搖謂之焱郭注暴風從下上
而莊子內篇逍遙遊釋文文選曹植贈徐幹詩注皆
引作暴風從上下不同今本是郭此注元作暴風從
下上後人見與李孫說不合遂將二句互倒耳不知
說文禿部頽禿兒从禿貴聲𠂔部隕下隊也从𠂔貴
聲李孫以頽爲風從上下蓋段頽爲隕非用頽本義
也

風與火爲庵

郭注庵庵熾盛之貌邢疏風自火出火

因風熾火而有火風者爲庀

案自焚輪以下皆釋不時至之風若風且火世所恆有不應列此竊謂與當訓如廣雅釋言與如也是也漢書武帝紀建元四年夏有風赤如血水經渭水篇注引洪範五行傳赤者火色也火血旣同赤色則風如火猶言風赤如血矣釋文出庀木或作炖字同玉篇火部炖風與火也古無炖字故段庀爲之

弁日爲蔽雲

郭注卽暈氣五彩覆日也

案郭注非是廣雅釋天有淪陰二字在常氣中王氏念孫疏證日沒以後赤黃氣疑此蔽雲卽彼淪陰淪有沒訓見說文水部而蔽有障隱二訓見廣雅釋詁

障隱與沒義初無異陰在說文昌部闇也水之南山之北也雲部別有霽字雲覆日也从雲今聲會古文霽省覆日猶弁日此經之雲當爲霽之段廣雅則段陰爲會用霽古文也

日部新附雲雲布也从日下雲會意雲又霽之俗書

疾雷爲霆霓

郭注雷之急擊者謂霹靂近黃氏以周

解霹靂卽霆霓轉音霆从廷而廷以壬得聲與程戠从呈而呈以壬得聲同霆轉爲霹與程戠轉爲秩同史記引書平秩之秩作程說文引詩秩秩大猷之秩作戠釋名例以同聲疊韻爲訓釋天霓韜也南史王筠傳筠讀雌霓連捲之霓五結切沈約撫掌欣忭增韻范忠文公試學士院詩用彩霓字學士据郊居賦謂鎮失韻是霓古音固與靂

近黃解載詁經精舍課藝四集

案黃解稿不可易明乎此則經言霆霓注言霹靂初非判然二名各不相謀矣說文水部有潛从水音聲而儀禮士昏禮大羹湑在饗鄭注今文湑皆作汁霆从廷聲而轉爲霹亦猶潛从音聲而今文作汁也說文自部隍讀若虹蜺之蜺文選張衡西京賦直墀霓以高居李善注霓五結切又東京賦以霓韻列設鑑哲亦靄音近霓之證也

濟謂之霽

案說文水部濟濟水出常山房子贊皇山東入沘雨部霽雨止也此文旣繫釋天風雨自是雨止之霽非

濟水之濟霽本字濟段字爾雅本字段字兼載例本
字在前段字在後如假假並大也假卽假假而假列
假上京景並大也景卽京段而京亦列景上舉釋詁
一條類推之知此先濟後霽與兼載本字段字例不
同必非兼載本字段字也疑此下霽元本作霽傳寫
者因霽不經見妄改作霽又鍾上霽遂改上霽爲濟
耳說文雨部霽霽謂之霽雖未偁爾雅然許君引經
自有不標書名一例王氏筠說文釋例一六書總說
曰詩之等者皆本義也郝氏懿行義疏明知霽謂之霽係爾雅
文而不知卽濟謂之霽之元本乃曰今脫去之何鹵
莽也

明星謂之启明

郭注太白星也

案廣雅釋天太白謂之長庚是長庚亦太白星矣詩小雅大東篇東有啟明西有長庚其上文女牛下文箕斗然二星名則启明與長庚必亦二星郭謂启明卽太白非也史記天官書敦牂歲歲陰在午星居酉以五月與胃昴畢晨出曰開明疑此經启明卽史記開明開明之名蓋從晨出取義說文口部启開也漢書天文志正作啟明大戴禮四代篇引詩東有開明亦启明卽開明之一證

夏祭曰禘

郭注新菜可沔

案小戴禮王制正義引孫炎云禘者新菜可沔郭注

所本也今攷彼言夏殷之祭以禘爲春祭名王制春薦韭韭說文部首菜名則孫炎說是至此經就周制言禘爲夏祭夏薦尙麥麥無菜名以此禘爲汙菜實未得也然則此經禘義當何從曰公羊桓八年傳夏曰禘何休解詁薦尙麥麥始熟可汙故曰禘猶是以禘爲汙而以汙爲禘麥非汙菜斯與夏祭意合

祭星曰布

郭注布散祭於地

案祭星有布名不見經傳禮祭法幽宗祭星也疑此布乃幽之段字說文幺部幽隱也从山中幺幺亦聲巾部布臬織也从巾父聲徐鉉引孫愐唐韻幽於蚪切布博故切古音凡平聲虞模幽尤侯上聲麌姥有

厚黝去聲遇暮宥候幼皆得通爲一韻如臚謀詩大

三雨母詩廊風煨奏侮詩大雅驅侯詩廊風載臭孚

詩大雅文謀虎詩小雅巷之類不勝枚舉易說卦傳

以布韻母文選東都賦以幽韻無尤布幽音近之礪

徵音近斯得相段祭星以幽名者鄭注星以昏始見

也郭注穿鑿言之由不知布爲幽段故

釋地

廣平曰原高平曰陸

案廣高二字乃後人誤倒元本爾雅當作高平曰原

廣平曰陸詩小雅皇皇者華篇毛傳周禮地官大司

徒職鄭注文選西都賦李注後漢書班彪傳水經汾

水篇注述春秋說題辭俱引此上句作高平曰原說
文走部遼下亦曰高平之野人所登此廣爲高誤之
確證也左定九年傳杜注史記孝武紀張守節正義
述顏注俱引此下句作廣平曰陸書禹貢正義兩引
之亦一作廣平慧苑華嚴經音義三十五引爾雅暨
毛詩傳曰高厚廣平曰陸雖多高厚二字要亦廣平
連文非高平連文也則高爲廣誤抑又何疑

東至日所出爲大平

案大平者嵎夷也書堯典分命羲仲宅嵎夷曰暘谷
寅賓出日平秩東作是嵎夷爲日所出地確有明徵
爾雅從釋地已下至九河皆禹所名也堯之嵎夷禹

則以大平爲名矣說文大部夷平也從大從弓東方
之人也許君以平解夷而又以東方之人申釋之是
許君正知大平之平卽嵎夷之夷矣下句西至日所
入爲大蒙郭注卽蒙汜也以嵎夷爲大平正與以蒙
汜爲大蒙文法一例後漢書東夷列傳夷有九種故
孔子欲居九夷也昔堯命羲仲宅嵎夷曰暘谷蓋日
之所出也贊曰宅是嵎夷曰乃陽谷巢山潛海厥區
九族然則嵎夷者九夷之總名書釋文嵎音隅言隅
爲隅之音段字也九夷皆在一隅故曰嵎夷嵎夷而
有九種其大可知故爲大平耳

釋上

丘一成爲敦丘

郭注成猶重也周禮曰爲壇三成今

江東呼地高堆者爲敦

案成重誼雖通轉然如下文丘上有丘方得謂重此
段一成再成三成乃釋丘之廣長初非釋其一重再
重三重也周禮考工記匠人方十里爲成左哀元年
傳有田一成是成元十里託名標識字一成者爲方
十里之丘耳再成二十里三成則三十里郭注失之
說文支部敷怒也詆也一曰誰何也十里之丘何故
以此命名据詩衛風氓篇至于頓丘毛傳丘一成爲
頓丘知字當作頓釋名釋丘丘一成曰頓丘一頓而
成無上下大小之殺也註頓丘命名最爲的確蓋人

所聚曰屯

見漢書陳勝傳注

斯土所聚亦可曰屯而頓者屯

段字敦者又頓段字一頓而成謂一頓之地方十里也無上下大小一語尤堪證成非取重義矣或問下文如覆敦者敦与與此敦与是一是二曰釋文出敦与郭云音頓或丁回反出敦者丁回反丁回係自正音說文部首自小阜也則此敦与爲頓与如覆敦之敦与爲自与兩与不得強合爲一也郝氏懿行義疏彼舉其形此言其義且以敦厚厚重附會名敦意豈未見釋文乎不可從

再成銳上爲融与

郭注鐵頂者

邢本鐵作鐵盧氏文

非之今

釋名釋与融明也明陽也凡上銳皆高而近

從訂正

陽者也

案劉說穿鑿疑融乃蝕段字說文金部蝕枱屬也

大枱

徐本作枱今從段注訂正从金蟲省聲不省則爲鑕廣雅釋器鉛

鑕謂之鑕許書金部鉛下云鉛鑕大鑕也一曰類枱

枱本亦作枱今從段注訂正鉛鑕卽鉛鑕矣銳芒也芒艸耑也艸

耑爲銳而枱爲耑耑俱見說文故銳上名蝕上言上

耑之銳一如耑象形以命名耳郭注鐵頂者說文

金部鐵鐵器也一曰鑕也鑕破木鑕也一曰琢石也

是鐵元銳利器廣雅釋詁鐵銳也說文竹部籤一曰

銳也鐵从金爲金器銳籤从竹爲竹器銳蝕上之蝕

亦从金故郭詁蝕以鐵不以籤此郭注之精也郝氏

懿行義疏謂融宜兼高長二義高長有銳上意抑知
高長者未必皆銳上融之不得不爲蝕段有斷然者
偏高阿𠂔 釋名釋𠂔阿何也如人擔荷物一邊偏高
也

案說文𠂔部阿大陵也與偏高義不涉劉熙段阿爲
荷亦非達詰疑阿乃倚段字說文人部倚依也有所
依則偏禮中庸夫焉有所倚孔疏謂偏有所近是也
經典阿私離騷經皇天無私阿兮阿黨禮月令是察阿黨咸段倚義而
詩商頌長發篇實維阿衡鄭箋阿倚也尤阿爲倚段
之確證陸佃新義偏未有不阿者也蓋亦以倚說阿
也

釋山

山嶺無所通谿

郭注所謂窮瀆者雖無所通與水注

川同名左隱三年傳正義引李巡曰山中水瀆雖無所通與水注川同名鄭氏珍巢經巢經說此釋山文自主山言山嶺無所通謂深山古澗非通達道路之經由者是名曰谿郭說誤本李巡

案說文谷部谿山隕無所通者从谷奚聲阜部隕通溝曰防水者也从阜賣聲讀若洞古文隕从谷段氏玉裁注隕不同瀆瀆从水主謂水故解曰溝也隕从阜主謂地故曰通溝以防水防水猶禦水也然則嶺谿之專就山言許君已然郭注誠誤矣呂氏春秋先

識覽察微若高山之與深谿高誘注無水曰谿尤谿
非有水明徵自李巡輩牽合釋丘之窮瀆汜玉篇谷
部遂謂瀆與瀆同殊失二字本詁至釋水水注川曰
谿視此適相背初不嫌同名者古書元有斯例如毒
可訓厚見說文偽可訓端見廣雅香穢氣皆名臭見書
盤庚毋起穢是也

釋水

正絕流曰亂

郭注直橫渡也

案水就下爲順流挽上爲逆流中水而渡爲正絕流
說文乙部亂治也中水而渡豈得曰治漢書楊王孫
傳其穿下不亂泉顏注亂絕也此經亂字亦當訓絕

始與正絕流合然亂無絕義据說文斤部斷截也从斤从𠂔𠂔古文絕疑此亂乃斷之音段字書禹貢亂于河詩大雅公劉篇涉渭爲亂後漢書張衡傳亂弱水之潺湲兮同此正絕流之亂卽同爲斷字之音段亦有徑用斷本字者如晉書苻堅載記以吾之眾旅投鞭於江足斷其流是也

釋草

其中的 釋文的丁歷反又戶了反或作蒟同說文白部無的艸部無蒟日部的明也从日勾聲易曰爲的賴今易釋文出的丁歷反是的卽的隸變段氏玉裁注說文馬部駒馬白額也謂的者白之明故俗字从

白

案的旣訓明蓮中子何以謂之的疑此的乃芍段玉篇艸部芍都歷切蓮子也廣韻入聲二十三錫芍蓮中子也亦作的見爾雅文選王逸魯靈光殿賦綠房紫葍李善注引爾雅其中葍曰葍與芍同可見蓮子別名爲芍與鳧芷同傳釋文於上芍鳧芷曰戶了反於此的字則曰丁歷反又戶了反夫的字不應戶了反其戶了反者字必作芍而誤以鳧芷之音音之也然音雖誤而此的爲芍段又得一明證矣詩小雅賓之初筵篇發彼有的釋文作勺本或作的知勺的二字古多通用的之卽芍猶的之卽勺後人以言蓮子

妄著草頭故釋文或作蒚

終葵繫露

郭注承露也說文無終釋文終本亦作終

同郝氏懿行義疏朱氏駿聲說文通訓定聲並据鄭
注考工玉人齊人謂椎曰終葵疑卽今之西番蓮葉
似椎圓而剡上

案郭注明曰承露今以終葵爲椎二合音專就椎字
想其形殊屬未確竊謂終者絡之形譌陶弘景名醫
別錄落葵又名承露韓保昇蜀本草蔓生葉間厚如
杏葉子似五味子生青熟黑

並引見本草綱目菜部
柔滑類落葵下集解

葵本菜總名絡說文糸部絮也象其蔓生故曰絡葵
自隸書誤絡爲終而人口相傳音猶不變於是又誤

絡葵爲落葵釋鳥鷹鵠鳩郭注鵠當爲鵠字之誤絡之誤終猶鵠之誤鵠矣

釋木

哲無實棗

郭注不著子者郝氏懿行義疏晏子春秋

所謂東海有棗華而不實者也今樂陵棗無核非此案說文西部覈實也無實棗卽無覈棗也山海經東次四經北號之山有木焉其狀如楊赤華其實如棗而無核其味酸甘食之不癯漢上林苑有楊棗見葛洪西京雜記一楊者虛也釋天玄楊虛也亦無覈之謂也是棗固有無覈者郭注以無實爲不著子非是上文休無實李郝氏懿行嘗引本草別錄之無核李

為義疏乃獨謂此非無核棗何自相矛盾耶周禮地官大司

徒其植物宜覈物注覈物李梅之屬此經下文則曰桃李醜核蓋覈為本字經典相承多段作核

守宮槐葉晝聶宵炕郭注槐葉晝日聶合而夜炕布

者名為守宮槐

案說文耳部聶附耳私小語也火部炕乾也郭以合

注聶以布注炕必非用其本義竊謂聶者攝之省段

說文手部攝引持也莊子外篇胠篋則必攝緘膝釋

文引李云結也崔云收也引持與結與收皆與合意

相近炕者抗之音段說文手部抗扞也此本義也轉

注之遂有張義周禮考工記梓人故抗而射女注抗

張也廣雅釋詁一同可證張與布同意釋文出炕樊本作抗

是樊光所据爾雅正用抗本字又引顧曰張也是野王所据爾雅併用抗轉注義爲釋

槐小葉曰榎

郭注槐當爲楸楸細葉者爲榎

案下文大而散楸小而散榎邢疏引樊光云大者老也小少也是楸榎異名以枝幹老少別初不以葉之大小別郭璞据彼徑改此槐爲楸殊屬武斷顧依元文則槐有榎名亦未見經傳竊謂此條當讀槐小葉句與上文榎槐大葉而黑守宮槐葉晝聶宵炕皆一科皆釋槐異種惟小葉爲槐是以大葉爲榎文氣正相評應然則曰榎二字何解曰左襄四年傳正義引此榎作櫟文選潘岳懷舊賦注又引作櫟大而散

誤散楸知此榎字古元連下大而散楸爲句曰字乃衍文耳

如松柏曰茂

郭注枝葉扶疏

案說文艸部茂艸豐盛也林部林木盛也二字音義雖同然一言艸盛故从艸一言木盛故从木今松柏爲木似言其盛者當以林爲正字茂爲段字詩小雅天保篇如松柏之茂斯干篇如松茂矣皆段用茂故此經亦不用林正字

下如槐曰茂之茂其正字亦當作林

祝州木

郭注未詳釋文出祝云今本作祝

案此疑乃釋樂文以有木字而誤掇在此者說文木部祝樂木空也

又桯下云祝樂也詩周頌有瞽篇毛傳祝木桯也空爲本義桯爲專製字

樂木之空者爲祝此經又曰州木者下釋畜白州驪
郭注州竅知州有竅義竅亦空也見說文穴部州木
猶言空木空木空順言之倒言之耳且釋樂有所
以鼓祝謂之止條鼓祝之名經尙釋之焉有祝之名
經反不釋故瑞椿疑此乃釋樂文釋器大版謂之業
典無以築牆版名業者據詩靈臺有替毛傳禮明堂
位鄭注及劉熙釋名則亦釋樂文而誤提在釋器者
詩正義引孫炎曰業所以飾柶刻版捷
業如錡齒也知孫所見爾雅尙不誤

釋蟲

蜺寒蜩

郭注寒蜩也似蟬而小青赤月令曰寒蟬鳴

寒蟬與寒蜩不同郭提而一之非是月令文在孟
秋之月夏小正亦紀七月寒蟬鳴本草別錄寒蜩九

月十月中鳴甚淒急

引見本草綱目蟲之三化生類

則較寒

蟬之鳴已後二三月安得徑以寒蜋當寒蟬乎鄭注

月令曰寒蟬寒蜩謂蜺也許注淮南曰寒蜋蟬屬文

選謝惠連擣衣詩烈烈寒蜋號注引知此經寒蜩稿係寒蟬寒蜋乃寒

蟬之屬而實非即寒蟬莊子逍遙遊釋文寒蟬即楚辭寒蜋此陸元明誤本郭注

而云然不足据也

又案方言十一應謂之寒蜩寒蜩瘖蜩也瘖即古陰

字見文選張衡思賦素問瘡論寒者陰氣也呂覽

慎人篇為寒暑風雨之序矣注寒暑陰陽也故寒蜩

又名瘖蜩瘖蜩猶言陰蜩非取義於不能言也說文

瘖不能言也廣雅釋蟲闇蜩蟪也攷史記魯周公世家乃

有亮闇書無逸篇作乃或亮陰知廣雅之闇亦陰段
字郭注乃疑寒蜩非瘖者方言多駁雜未可詳據未
免粗疏近郝氏懿行義疏潘氏衍桐正郭俱謂寒蟬
七月始鳴至九十月畏寒則瘖不鳴故月令記其鳴
而方言謂之瘖尤屬望文生訓特埒辨之

蠶羅 郭注蠶蠶

案蠶乃蛾之誤說文虫部蛾羅也虫正在我旁其文
厠蠶蠶二篆間壘爲丁蠶蠶爲蠶蠶蠶蠶大蠶也虫部
則此當亦蠶類廣雅釋蟲蛾蠶也下蚍蜉大蠶釋文
蠶本亦作蛾可證自俗儒誤移虫在我下與說文虫
部蠶之或體相提許君解蠶曰蠶化飛蟲遂致郭璞

竟以蠶螫注此不知蟻雖同螫竝从我得聲然一我在上一我在旁如恭悞愚惛等字豈得強合爲一乎觀釋文出螫云本又作蟻知陸元明所據爾雅尙有不誤者

蜚螭何 郭注未詳

案釋文螭失羊反字林之亦反五經文字虫部亦云螭失羊反又之亦反据失羊反字宜从商之亦反則字宜从啻不得提而一之說文虫部無螭亦無蟻惟蜚下曰商何也段氏玉裁注謂字林近古當作啻何篆書啻作𩚑與商作𩚑形近易誤儀禮士昏禮目錄日入三商爲昏三商亦卽三啻之誤三啻者三滴也

詳吳翌鳳遜志
堂雜鈔王集

段改商爲啻誠是惟啻宜屬上蜚爲

文不宜屬下何爲文許蓋連篆讀耳何以見啻宜上

屬不宜下屬曰釋文出何本或作蚵廣雅釋魚蚵蜃

蜃蜴也蜃蜴蜚啻一聲相轉

翟氏源補郭引集韻蜃蜃易類亦堪證蜚蜴卽

蜃蜴然今集韻入聲二十二皆蜴字林蟲則蜚啻卽

名無蜃易類三字三字見下平十陽蜴下則蜚啻卽

蚵蜃明甚單俛之斯曰蚵矣

郭注大蟲如指似蠶見韓子

案韓非子內儲說蠶似蠋郭引以注此是讀蚵烏連

文以蠋爲蚵烏別名矣說文虫部無蚵亦無蠋惟蜀

下曰蔞中蠶也引詩蜎蜎者蜀今詩幽風東山篇正

作蠋毛傳蜎蜎蠋貌初不繫言烏蠋管子水地篇欲

小則化如蠶蠋淮南子說林訓蠶之與蠋狀相類而
愛憎異亦祇單言蠋莊子庚桑楚奔蜂不能化蠋蠋
蠋又與蠋連文不與烏連文郭讀似可信然蠋烏之
名殊不見經傳竊謂蠋烏蠋三字當係釋器逸文詩
大雅韓奕篇肇革金厄毛傳厄烏蠋也鄭箋肇革謂
轡也以金爲小環往往纏搯也釋文出金厄二字引
毛云烏蠋也出烏蠋二字云音蜀爾雅作蠋沈音晝
可見陸所据毛傳蠋本作蠋云爾雅作蠋又可見爾
雅此條陸時尙不在釋蟲內自毛傳之蠋傳寫誤作
蠋於是埤會蟲名竟移此條在此釋而厄字烏字皆
箸虫旁

鳥箸虫旁見
玉篇虫部

幸釋文尙存元本得以想見古

義耳

釋名釋車槁也所以扼牛頸也馬曰鳥啄下

器衡

扼也扼上者謂之鳥啄然則厄即槁扼之扼亦

即扼

上之扼省之遂為厄鳥噉即釋名小爾雅之鳥

釋魚

鰕當

郭注海魚也似鰕而大鱗肥美多鯁今江東

呼其最大長三尺者為當鰕音胡

案周禮天官鼈人職掌取互物鄭注引鄭司農云互

物謂有甲菹胡龜鼈之屬廣雅釋詁菹當也釋名釋

形體胡互也然則當鰕即菹胡乃龜鼈之屬故與鰕

鱣刀連文

鄭注周禮鼈人凡狸物云狸物鱣刀含漿

說文

魚部非是辨見段氏王注郭注海魚失之說文魚部

鮓鮓鮓鮓明象連次皆海魚也今鮓當互也獨次鮓
鮓鮓上鮓爲大貝鮓鮓爲蚌可見許君正不以鮓爲
海魚鮓胡者呂氏春秋孟冬紀其蟲介高誘注介甲
也象冬閉固皮漫同胡也

蜃小者珧

案周禮天官醢人職蜃蜺醢鄭注蜃大蛤賈公彥疏蜃大蛤爾雅文今爾雅無此文疑高密所見本小者珧上尙有大蛤二字蜃大蛤小者珧與釋蟲蚶蜆大蜃小者蜃句法一例段氏玉裁嘗依韻會補大蛤二字於說文虫部蜃下雉入海化爲蜃之上今亦請依周禮注疏補大蛤二字於此蜃下小者珧之上

釋鳥

鵠鵠

釋文鵠本亦作交鵠本又作精嚴氏元照匡

名交省文精通借

案師曠禽經鵠鵠睛交而孕張華注相視而睛不眩

轉孕而生雛許書無睛目部精字凡五見皆謂眸子

睛目童子精睛也瞳目多精也瞬目是精即睛正字

精也眊目少精也瞋目精直視也鵠鵠以精交而孕得名則作交精乃本義後人以言

鳥專製駁鯖字說文鳥部駁鯖也駁鯖也一曰駁而鵠鵠

又其隸變耳文選司馬相如上林賦交精旋目李善

注引郭璞曰交精似鳬而腳高有毛冠辟火災知唐

初固有作交精一本

燕白脰鳥

郭注脰頸

案鳥字誤倒在白脰下元本當作燕鳥白脰小爾雅
廣鳥九小而腹下白不反哺者謂之雅鳥白項而羣
飛者謂之燕鳥白脰鳥也雅鳥鸛也此經此條亦與
鸛斯鸛鸛連文不與燕燕鸛連文則此條自是釋鳥
非釋燕鄭樵注卽今白頸燕失之然古未聞鳥亦名
燕與元鳥之燕提偁則此條當從小爾雅作燕鳥連
文白脰者燕鳥之毛色也爾雅釋鳥固有但釋毛色
一例如秋扈竊藍冬扈竊黃素質五采皆備成章曰鸛等可證後人
見白脰不似鳥名遂妄移鳥在白脰下不知小爾雅
所謂白脰鳥亦別其毛色非廣其異名也茶香室經說則仍元

文而於燕下增
一鳥字亦通

鴛鴦

釋文鴛字或作牟音謀母如字李音無舍人

本作蕪

案禮月令季春之月田鼠化爲鴛鴦鄭注鴛母無又儀
禮公食大夫禮以雉免鴛鴦鄭注鴛無母是高密所
据爾雅鴛作母又作無猶釋名釋首飾牟追儀禮士
冠禮記作母追廣雅釋器作無追牟母無古音相近
例得通用也母無旣通用故母無亦倒作無母元本
必不作母蓋讀母如字則與無音不近何以李巡音
無舍人本作蕪也或曰說文佳部瞿牟母也許君正
讀母如字竊謂許所見本不應與鄭異當是隸變母

母形近遂誤母爲母也段玉裁注已訂正之

皇黃鳥

郭注俗呼黃離留亦名搏黍邵晉涵正義詩

屢言黃鳥未聞其名皇也王會篇方揚以皇鳥殆謂是與孔廣森經學卮言何秋濤王會篇箋釋採之郝懿行義疏更引北山經軒轅之山有鳥名曰黃鳥以證成之

案皇鳥亦未聞有名黃者山海經皇鳥凡二見一見大荒西經先民之國一見大荒北經附禺之山皆與鸞鳥同舉知皇鳥卽鳳皇之皇而黃鳥凡五見除軒轅山外若海外西經奇肱之國若大荒南經之巫山又西經之日月山北經之附禺山皆有黃鳥附禺山

且皇鳥黃鳥竝列則不得謂黃鳥卽皇鳥矣故郭注
上狂鷹鳥未嘗不引山海經獨注此不引及之明知
山海經之皇鳥非卽黃鳥也邵說雖新實未確鑿据
楊夔止妬論倉庚爲膳療妬引見本草綱目四十九禽部發明山海
經於北次三經軒轅山之黃鳥曰食之不妬似山海
經亦正以黃鳥當倉庚舊解未可遽易雖黃鳥有皇
名於古無聞然詩周南葛覃黃鳥于飛孔疏引舍人
已曰皇名黃鳥是漢以來相傳之解已如此

鸛鵒鷓鴣如鵲短尾射之銜矢射人

案說文鳥部鷓鴣專音蹂專音蹂三字皆不從鳥旁
据許書部首佳鳥之短尾總名也又部首鳥長尾禽

總名也今驪專旣言短尾則不得從鳥旁也加鳥旁者淺陋甚矣

釋獸

牝麋

案此釋詩小雅吉日篇其祁孔有之祁也鄭箋祁當作麋麋牝也孔疏注爾雅者某氏亦引詩云贈彼中原其麋孔有藉此見三家詩有本祁作麋者鄭敬樊光所見皆作麋一本故鄭以此麋釋吉日詩樊又以吉日詩釋此麋錢坫古義謂古辰或讀如夷夷祁同聲故通竊謂麋从辰得聲祁从示得聲麋之通祁猶近之通祁

禮祭法相近于坎壇通畿周禮大司馬鄭注相近當爲麋祈乃以九畿之

籍鄭注故通記詩松高往近王舅鄭箋皆一聲之轉

也麋字亦段作慎周禮夏官大司馬職鄭引鄭司農

五歲爲慎而注云慎讀爲麋爾雅曰麋牝曰麋可證

其迹速

校勘記速當作速爲迹籀文廣雅踈解亢

跡也踈與速同曹憲音爲匹迹王引之經義述聞駁

曰釋文出麋素卜反本又作速說文鹿部𧾷鹿迹也

从鹿速聲正與素卜反合且其迹迹亦文不成義蓋

廣雅原作速傳寫者脫去一畫遂與速無異

案說文辵部速疾也麋旣爲鹿迹專制字自應从迹

之籀文取義不應从訓疾之速取義束與束隸書形

似故釋文音麋素卜反唐韻又音桑谷切皆誤認从

速爲从速而誤音之也不可据也況此速乃麋省廣雅以迹釋踈實則以迹釋麋安得以其迹迹文不成義疑之耶王說殊疏

四獒皆白駭

案說文豕部無獒亦無駭詩小雅漸漸之石有豕白蹢毛傳蹢蹄也鄭箋四蹄皆白曰駭則白蹄其尤躁疾者知元本爾雅獒作蹢駭作駭其尤躁疾云云所以釋名駭之故也後人以言豕妄易豕旁遂非許書所有今當正之

熊虎醜其子狗

釋文狗本或作狗

案許書有狗無狗下釋畜狗屬未成毫狗郭注狗子

未生乾毛者是狗爲犬子正字狗从句聲白虎通五行篇句芒者物之始生故造从犬从句之字爲犬子專義猶駒从馬句聲而說文馬部訓爲馬二歲曰駒也引申之斯凡物之子皆得曰狗釋鳥鵠天狗郭注小鳥也又釋畜牛屬其子犢郭注今青州呼犢爲狗於堪取證狗非許書所有亦當作狗後人以言熊虎子故改从豸旁以言牛子故改从牛旁耳

狔子狔

狔子狔 周禮地官草人鹹潟用狔鄭注狔狔

也賈疏爾雅云狔子狔或曰狔故以狔狔爲一也

案如鄭注則高密所見爾雅不同今本然狔一名狔經典無徵疑周禮之狔爲狔之段字郭注狔子狔曰

獬豸也一名獬而獬又通狇淮南十九修務訓獬豸為曲室即十一齊俗訓
之狇狇得睡防弗去而緣高密知周禮之狇實狇之
高誘注狇狇豚也可證音段故徑以獬釋狇賈公彥不知遂妄改爾雅文以

傳會之耳

狻猊類狇虎爪食人迅走

釋文狻字亦作狻或作獬

獬字或作獬

案說文九下豸部獬獬似狇虎爪食人迅走許所
据爾雅正同今本淮南八本經訓獬獬鑿齒九嬰大
風封豨修蛇皆為民害獬獬字亦未見有異自高誘
注淮南誤合山海經窳窳為一獸謂獬獬獸名也狀
若龍首或曰似狸善走而食人在西方也爾雅遂有

作窳窳一本不知山海經窳窳凡五見北山經少咸之山有獸焉其狀如牛而赤身人面馬足名曰窳窳東次四經剡山有獸焉其狀如彘而人面黃身而赤尾其名曰合窳海內南經窳窳龍首食人郭注窳窳本蛇身人面爲貳負臣所殺復化而成此物也海內西經貳負之臣曰危危與貳負殺窳窳海內經有窳窳龍首是食人明窳窳本赤身而黃身者名合窳本人面而已殺者化龍首高注乃山海經已殺之窳窳初與似貍之獬豸不涉惟所引或說尙不誤說文豸部貍伏獸似貍此經旣云獬豸似貍又云獬似貍可證似貍猶言似貍矣釋蟲之天雞非卽釋鳥之天雞

釋獸寓屬之鼪非卽鼠屬之鼪物異名同者舉爾雅
例之已指不勝屈況獫狁窳窳音雖近而字尙不壹
安得据不可信之山海經以捫亂至可信之爾雅邪
幸有說文一引尙可藉見元本爾雅止作獫狁不作
窳窳

狻如獫貓食虎豹

郭注卽師子也出西域漢順帝

時疎勒王來獻羣牛及師子穆天子傳曰狻猊日走
五百里

案說文十上鹿部狻狻獸也犬部狻狻如獫苗
食虎豹見爾雅是許君祇以狻狻爲獸名初不謂卽
師子而五上虎部別出一號篆虎鳴也一曰師子是

師子祇別名虬初不別名狻猊郭注以疎勒王獻之
師子與穆天子傳之狻猊提爲一物牽強甚矣郝懿
行義疏謂狻猊合聲爲師故郭云卽師子不知狻猊
形狀今雖不可知据上文虎竊毛謂之虬貓狻猊旣
似虬貓必亦竊毛無疑漢書西域傳師子尾端毛大
如斗若狻猊果卽師子則非竊毛非竊毛則安得謂
似虬貓

狸狐獬貍醜其足蹠其跡爪

周禮地官司徒其動物

宜毛物鄭注毛物貂狐獬貍之屬縟毛者也賈公彥
疏依爾雅而言耳云貂狐不言狸者鄭君所讀爾雅
者爲貂不爲狸也

案此經上文曰狸子隸狌子狙狌子狻狌白狐其子
穀以狸狌狌狐之子連類相釋則此條釋其足跡亦
必仍狸狐狌狌四獸也不應高密所見爾雅狸獨作
貂通釋獸一篇初未釋及貂子竊謂高密因言縛毛
而舉貂狐狌狌四者與此經因釋足跡而舉狸狐狌
狌四者各不相蒙狸毛非縛斯高密易狸爲貂耳安
得因其易狸爲貂遂疑高密所讀爾雅不同今本乎
高密亦絕不自言此注依爾雅也且先高密而得讀
爾雅者爲召陵許君許君作說文解字於十四下部
首瓜篆引尔疋曰狐狸獾貉醜其足蹠其迹公獾卽
狌郭注狌子獾曰貉一名獾可證貉卽狌上狌子狙釋文狐狸卽狸

狐之倒明漢時爾雅倒狸狐爲狐狸本庸或有之改
狸狐爲貂狐則斷斷無之賈疏未免臆斷

時善棗領

郭注好登山峰邢疏好登山峰之一獸也

案嶺在說文山部爲新坳字古止作領漢書溝洫志
開大河上領又張耳傳南有五領之戍嚴助傳輿輶
而踰領南粵傳兵不能踰領皆以領爲今嶺字郭蓋
以好注善以登注棗以山峰注領也時字無注邢疏
箸一獸字樣乃以時爲獸名然時之爲何獸經典無
徵張氏照注疏攷證讀此四字連上雖印鼻而長尾
爲一條郝氏懿行義疏從之謂時與是古字通徐氏
孚吉詁又謂時善棗領卽時時好登山峰竊謂攷證

之讀自是可從而諸家解時字尚不得解以上文孫
媛善援獮父善願猶如麋善登木例之不應此善上
獨多一字廣雅釋詁一時善也詩小雅類弁爾殺既
時毛亦傳時爲善明時與善同義旣言時又言善無
乃複乎釋魚左倪不類右倪不若邢疏不發聲也執
彼例此疑時本發聲字時與善雙聲促訝爲善緩訝
爲時善此義在當時人所易曉故郭於不之發聲亦
無注文選江賦迅雖臨虛以騁巧江賦卽郭璞所作
藉見郭讀此四字已連上爲一條矣故曰考證之讀
自是可從

山海經中次九經南山多媛雖又海外南
經狄山爰有雖豹可見雖本是山獸故郭

注雖曰爲
物健捷

猩猩小而好蹄

校勘記猩猩當作狺狺徐氏孚吉詰

狺者正字狺者段借字嚴氏元照匡名說文云猩猩犬吠聲義異疑有誤未能詳也

案說文犬部有狺無狺阮徐之說皆非逸周書王會

解都郭狺狺

本注一作生狺狺蓋生之俗書

欺羽狺狺若黃狗人

面能言猩猩之狀若狗而許書謂猩猩犬吠聲猶上

文豺狗足郭注腳似狗而許書豸部亦謂豺狗聲豺

之狗聲謂豺聲如狗非以豺爲狗之聲猩猩之犬吠

聲亦謂猩猩吠聲如犬非以猩猩爲犬吠之聲也說

文本無異本無誤亦本無未能詳處

鼯鼠

郭注小鼯鼯也亦名鼯鼯釋文引字林云鼯鼯

李云一名鼯鼠春秋左成七年經正義引李巡曰鼯鼠一名鼯鼠

案此二字李巡所据本蓋在鼯鼠二字上而謂經以鼯鼠釋鼯鼠也上文鼯鼠鼯鼠連次釋文出鼯引字林云卽鼯鼠也下文鼯鼠鼯鼠連次夏小正九月傳熊羆貉貉鼯鼠則穴貉卽貉上貉子狐釋文貉本作貉斯鼯亦卽鼯無疑此以鼯鼠釋鼯鼠猶彼以鼯鼠釋鼯鼠鼯鼠釋鼯鼠耳類推之則下以鼯鼠釋鼯鼠以鼯鼠釋鼯鼠以鼯鼠釋鼯鼠經亦必各讀四字爲一科而鼯鼠無別名故著豹文二字說文鼠部鼯豹文鼠也正以豹文二字屬上鼯鼠讀也自郭注誤讀豹文二字屬

下鼯鼠爲一條於是句法參差不齊自鼯鼠以下郭遂各爲一鼠不復相釋殊失經旨釋魚之元貝貽貝郭注黑色貝也貽黑疊韻王氏引之經義述聞舉諸台聲字悉有黑義可見元貝一名貽貝義極切合必不得分爲二貝名此亦其例也乃郭於彼知之而於此昧之何哉

寓鼠曰噉 郭注頰裏貯食處寓謂獼猴之類寄寓木上邢疏寓太之獸及鼠皆曰噉

案如邢疏知郭讀寓爲上文寓屬之寓鼠爲上文鼠屬之鼠非謂寓者一鼠名也乃邵氏晉涵正義劉氏玉麈補注殘本並寓鼠二字連讀邵謂今寄居木上

之鼠竊果而食故謂之賺矣劉引夏小正正月田鼠
出傳田鼠者賺鼠也以證馬氏徵麋夏小正箋疏賺
地害稼者且非穿穴地中又何不知夏小正之賺鼠
出之可云蓋亦誤寓鼠爲一物即此經上文之鼯鼠郭已注彼曰以頰裹藏食矣若
此寓鼠又是鼯鼠未免重複且牛曰鼯以下皆泛釋
鼯屬不應此獨專指一物仍當依郭讀爲長李時珍
本草綱目五十一下獸之四寓類獼猴集解猴狀如
人而頰陷有嚙嚙音歎藏食處也此寓屬亦曰嚙之
證釋名釋形體頤或曰鼯車鼯鼠之食積於頰人食
似之故取名也此凡非鼯而積食於頰亦皆得曰嚙
之證

釋畜

駢蹄𨔵善陞𨔵

郭注駢蹄蹄如𨔵而健上山秦時有

駢蹄苑

案釋文出𨔵引舍人云駢蹄者溷蹄也研平也

引邢疏

作𨔵嚴氏元照匡名說文𨔵獸足企也既云

謂蹄平

正善陞𨔵者能登山𨔵也又出駢𨔵枝蹄𨔵善陞𨔵

引舍人云駢𨔵者外國之名枝蹄者枝足也舍人解

駢蹄爲溷蹄是駢蹄者馬之形非卽馬之名郭注非

也竊謂此六字當連下駢𨔵二字爲一條而舍人駢

𨔵者外國之名一注元本亦當在能登山𨔵也下不

在枝蹄者上也自郭注誤以駢蹄爲馬名誤以駢𨔵

爲枝蹄之馬名於是陸元明作釋文遂依郭注誤析
舍人注耳不知馬蹄之枝分者謂之枝蹄馬蹄之騊
溷者謂之騊蹄其蹄雖同而騊與枝則異外國有騊
駼之馬正以其騊蹄得名也若以騊駼之名施於枝
蹄之馬豈騊駼之騊與騊蹄之騊義別乎然則枝蹄
亦馬之形非馬之名也旣以騊駼屬此條讀而枝蹄
以下又如何讀耶曰當讀至盜驪爲句盜驪者名也
枝蹄跗善陞顛小領者盜驪之形也與此騊駼者名
也騊蹄跗善陞顛者騊駼之形也文法正兩兩相對
郭不以騊駼屬此條讀故不得不讀小領盜驪爲又
一條耳

小領盜驪

邢疏引郭注穆天子傳云盜驪者爲馬細

頸驪黑色也史記五秦本紀得驥溫驪司馬貞索隱
溫音盜徐廣亦作盜鄒誕生本作駢音陶劉氏音義
云盜竊也竊淺青色

案以竊訓盜雖本許書

說文米部竊盜自中出曰竊

而竊與淺一

聲相轉釋鳥竊藍竊黃諸條及釋獸之虎竊毛凡取
淺義者經皆以竊爲之不再轉爲盜且驪本黑色今
曰青色尤於經典無徵音義之說未確詩小雅巧言
篇君子信盜毛傳盜逃也言盜之聲訓爲逃也盜聲
兆聲古音相近此盜字自是駢之音段鄒誕生本得
之周禮夏官庾人教駢攻駒鄭注引鄭司農云馬三

歲曰騊二歲曰駒說文馬部雖無騊篆而駒下亦言
二歲曰駒三歲曰騊與鄭司農同也騊本小馬故馬
之小領者亦得名騊古从兆聲諸字咸有小義如魍
小者名魍魎小者名魍魚文可證至秦本紀作溫乃
盜字形譌耳廣雅釋獸馬屬有騊騊玉篇下馬部騊
桃騊馬史記八十七李斯列傳乘纖離之馬荀子性
惡篇曰纖離即文選十四顏延之赭白馬賦纖離接
趾桃同騊聲纖同騊義而騊離與騊字又通用必皆
與此盜騊爲一馬無疑詩幽風七月篇有鳴倉庚毛
鴛作騊同此騊
離騊通用之据

絕有力駢

郭注即馬高八尺下文馬八尺爲駢郭注

引周禮曰馬八尺以上爲駮

案今周禮夏官廋人職駮作龍禮月令駕倉龍鄭注馬八尺以上爲龍孔疏出廋人職淮南時則訓乘蒼龍高注周禮馬八尺以上曰龍也皆不言周禮有作駮一本且說文馬部亦無駮篆疑爾雅元本馬八尺爲駮之駮本作龍郭注以釋獸絕有力駮卽下駮五尺爲駮因疑此絕有力駮亦卽下馬八尺爲龍而作駮作龍不可牽合遂妄改彼龍爲駮耳不知絕有力駮之駮乃下文戎事齊力之戎也觀釋文出此駮曰而充反本亦作戎可證此駮卽戎之俗字釋詁戎大也戎事尙力馬之高大有力者可以從戎故徑名絕

有力之馬曰戎周禮夏官馬質馬量三物一曰戎馬
校人辨六馬之屬戎馬一物可證馬自有名戎者又
冬官攷工記斬人國馬之斬深四尺有七寸鄭注國
馬謂種馬戎馬齊馬道馬高八尺是戎馬亦高八尺
而高八尺者不僅一戎馬已也故下文專釋龍爲凡
馬高八尺之總名公羊隱元年傳以乘馬束帛何休
解詁天子馬曰龍高七尺以上不
以龍爲高八尺以
上者僅此一見說文馬部駉馬七尺爲駉八尺爲
龍知許所据爾雅下駉字正作龍文選三張衡東京
賦龍輅充庭薛綜注馬八尺曰龍後漢書二十八下
馮衍傳駟素蚪而馳騁兮章懷注爾雅曰馬高八尺
爲龍又四十下班固傳乘時龍章懷注爾雅曰馬高

尺以上曰龍是唐本爾雅尙有不譌作駮者

白達素縣

郭注素鼻莖也邢疏其白自額下達鼻莖

者名縣郝氏懿行義疏馬之鼻莖白者名白達一名素縣說文頰鼻莖也烏割切與達音近白達卽白頰也

案頰在說文頁部从安得聲其或體作𦏧从曷得聲

長言爲安短言爲曷也曷之聲訓爲害

詩商頌長發篇則莫我敢

曷毛傳

害之聲訓爲大

孟子梁惠王篇時日害喪趙岐注害大也

而達在

說文辵部从牽得聲其或體从大得聲李善注文選

四十五揚雄解嘲頰頤折頰曰頰於達切是頰與達

爲疊韻字古書有以疊韻字代本字者如夏與暇疊

韻尚書多方篇天惟五年須暇之子孫卽以暇代夏
穀與祿疊韻禮記檀弓篇齊穀王姬之喪卽以穀代
祿詳俞氏樾古書疑義舉例三郝謂白達卽白頰其
說是也蓋卽以達代頰也郭注素鼻莖也四字一句
以素釋白以鼻莖釋達也非謂素有鼻莖義也邢疏
誤會郭注以鼻莖釋經素字遂連素上讀耳

面頰皆白惟驪

邵氏晉涵正義秋官犬人凡幾珥沈

辜用驪可也先鄭云驪謂不純色也是驪惟面頰俱
白而其色不純王氏引之經義述聞驪者白色也故
鳴之白者謂之鵠鳴

案驪在說文馬部从龙得聲左閔二年傳衣之龙服

杜預注龍雜色小爾雅廣訓雜言曰隤說文牛部隤
白黑雜毛牛也隤之有雜義昭昭也王說非是易說
卦傳震爲龍釋文虞干作駮虞云蒼色干云雜色漢
書匈奴傳匈奴騎其西方盡白東方盡駮顏注駮青
馬也然則此馬蓋面頰白而通身青者其色龍雜故
取从龍字以命名耳劉氏玉麈爾雅補注殘本疑皆
白之皆爲青字之譌未確

駮牝驪牡 郭注詩云駮牝三千馬七尺以上爲駮見
周禮邢疏鄭玄注禮記檀弓引此文云駮牝驪牡玄
謂七尺曰駮牝者色驪牡者色玄與郭異也釋文出
牝云頻忍反下同又出驪牡云孫注改上駮牝爲牡

讀與郭異臧氏琳經義雜記玩釋文知郭本爾雅作
駉牝驪牝阮氏元校勘記雪窗本作駉牝驪牝說文馬部駉詩曰駉牝
驪牡段氏玉裁注亦改作牝謂此以驪牝釋駉牝驪
與駉雙聲爲訓

案詩鄘風定之方中篇毛傳駉馬與牝馬也是駉牝
二字並不連文取義且駉爲馬七尺之名驪爲馬深
黑色之名皆說文義二字義別雅必不以驪牝釋詩之駉

牝也釋文所据本非是竊謂郭讀此條初不與鄭異
故注引周禮七尺爲駉之文明郭不以駉牝連文讀
也其引詩駉牝三千則因爾雅此條本釋彼詩故耳
非謂此條之駉牝亦當連讀如詩句也至釋文謂孫

讀與郭異者謂孫讀駮牝之牝爲牡與郭異也

盧氏文昭

鍾山札記亦謂郭讀與鄭同而以釋文孫注改上駮牝爲牡之牝乃句字之譌謂邢疏依孫爲說則不然也非謂郭讀駮牝句孫讀駮句之異也自孔疏檀弓

誤讀此條謂爾雅釋詩云駮牝郭璞注玄駒小馬稍

異鄭也於是邢疏依孔以改郭後人又依郭以改許

書矣不知驪與玄皆以色言若駒之爲小馬本係常

訓郭何致不得其義必離異玄字下屬駒耶

下玄駒裏驂郭

注玄駒小馬廬氏鍾山札記曰注玄字衍耶所增也惟郭不從孫讀駮牝之牝

爲牡則非是釋獸一篇凡言牝牡者皆牡在牝上陰

陽先後之義也

本臧氏琳經義雜記

不應此條獨先牝後牡禮

駕四牡不用牝而詩言比物四驪四驪濟濟知驪必

駮之牡者

本孔廣森經學題言

續漢書郡國志越嶲郡會無出

錢下引華陽國志會無縣有元馬祠牧馬山下或產

駮駒云元馬子也

元文見華陽國志蜀志汶山元玄郡元馬作天馬與此所引異元玄

古通用

音義皆同也素問天元紀大論以元叶玄是元與玄

十六玄下曰段借為元儀禮士冠禮玄酒在西此元

玄通用是玄為駮之牝者亦有碣微玄馬之子曰駒

因而下文有駒褭驂條周禮夏官庾人七尺以上為

駮鄭注爾雅曰駮牡驪牝玄駒褭驂釋文牡驪絕句

牝玄絕句賈公彥疏駮中所有牡則驪色牝則玄色

兼有駒褭驂可見高密所見爾雅正同孫本正讀上

駮牝之牝為牡也

禮檀弓戎事乘驪鄭注引爾雅又

者

玄

此玄字上屬

駒褭驂

郭注玄

據盧氏文昭鍾山札記此玄字衍文邢昺所增

小馬別名褭驂耳或曰此卽腰褭古之良馬名

案經文止言褭驂不言腰褭則或說非也說文馬部

駒馬二歲曰駒是駒爲小馬無疑上文旣釋驂之牝

牡此條正承上文釋驂之子說文衣部褭以組帶馬

也馬部驂駕三馬也竊疑褭驂者亦非小馬別名乃

釋駕小馬者必以組帶之耳禮學記始駕馬者反之

車在馬前鄭注以其仍見則貫卽事易也孔疏始駕

者謂馬子始學駕車之時反之者駕馬之法大馬本

駕在車前今將馬子繫隨車後而行故云反之車在

馬前所以然者此駒既未曾駕車若忽駕之必當驚奔今以大馬牽車於前而繫駒於後使此駒日日見車之行其駒慣習而後駕之不復驚也此正駕小馬必以組帶之碣据也故經典初未見有名小馬爲褭驂者賈疏周禮夏官廋人職曰兼有駒褭驂不曰兼有駒名褭驂是賈意鄭義亦不解此褭驂爲駒之別名

牡曰騊

郭注今江東呼馭馬爲騊

牝曰騊

郭注草馬名

案大戴禮夏小正四月執陟攻駒傳執也者始執駒也執駒也者離之去母也陟升也執而升之君也

廣雅

釋言君羣也此君卽月令仲夏游牝別羣也攻駒也者

之羣字執而升之君猶言執而別其羣也

教之服車數舍之也說文馬部無駘當依夏小正傳

作舍騶从陟得聲

見說文馬部又漢書五行志服注騶音涉

例得通段書

洪範惟天陰騶下民段騶爲陟故此經之騶夏小正

又段作陟上文因騶之牝牡而及其駒此條則因駒

而泛釋牝牡之性耳禮月令季春之月乃合累牛騰

馬遊牝于牧鄭注累騰皆乘匹之名是月所合牛馬

謂繫在廐者其牝欲遊則就牧之牡而合之孔疏騰

馬相騰逐之馬以季春陽將盛物皆產乳故合此相

騰之馬故遊此繫牧之牝於牧田之中就牡而合之

夏小正之升卽月令之騰夏小正之舍卽月令之游

也馬之牡者性宜騰故此經曰騰其化者性又宜游
故此經曰駘周禮夏官校人春執駒鄭注執猶拘也
春通淫之時駒弱血氣未定爲其乘匹傷之又注廋
人佚特引杜子春云佚當爲逸注曰逸者用之不使
甚勞安其血氣也此夏小正傳義也彼未嘗以升爲
騰以舍爲游者蓋專就駒之牝牡言也

又案郭以草馬名注牝爲駘者說文艸部草草斗櫟
實也一曰象斗子徐鉉等曰櫟實可以染帛爲黑色
通用爲草棧字今俗以此爲艸木之艸別作阜字爲
黑色之阜據此知草卽阜之正字方言五櫪或謂之
阜廣雅釋器阜櫪也莊子四馬蹄九編之以阜棧釋

文出阜云梪也一云槽也崔曰馬閑也蓋牝馬不以
服乘每雌伏草棧故曰草馬耳高誘注淮南十九修
務訓馬五尺以下爲駒放在草中故曰草駒顏師古
匡謬正俗六本以牡馬壯健堪駕乘及軍戎者皆伏
阜梪芻而養之其牝馬唯充蕃字不暇服役常牧于
草故稱草馬耳彼皆提草爲艸而未知草卽古阜字
者望文生訓不足据也

驪馬黃脊騮

釋文騮音習說文作驪音簞字林云又

音譚今爾雅本亦有作驪者

案下文二目白魚郭注詩曰有鰾有魚郭不引詩於
此條下明郭不謂此條之騮卽魯頌駟篇之驪也毛

傳豪𩇑曰驪亦與此驪馬黃脊之釋不合許君作說
文互易驪驪二篆之解驪下曰驪馬黃脊驪下則曰
馬豪𩇑也此驪驪之正解也玉篇馬部廣韻入聲二
十六緝俱以驪字兼有兩義近段氏玉裁說文解字
注亦疑驪者驪之或體不知此經之驪乃說文驪之
𩇑字而毛傳之驪又說文驪之𩇑字覃古音如淫其
入聲則如熠又音如尋其入聲則如習鳥之有鴉鵲
猶蟲之有熠燿从覃从習之字古音相近例得通𩇑
故毛傳𩇑驪爲驪此經又𩇑驪爲驪也不細辨字之
正𩇑反妄改許書以牽合之鹵莽甚矣

青驪驪驪

郭注色深淺斑駁隱粼今之連錢驪釋文

出鄰本或作麟郭良忍反注同字林良振反或音鄰
孫云似魚鱗也邢疏亦引孫炎曰色有淺深似魚鱗
案許書無麟据釋文知郭所見本作鄰不作麟說文
ㄥ部鄰水生厓石閒鄰鄰也初無深淺斑駁之義郭
以鄰爲隱鄰訓未直截竊謂此鄰乃鱗之音段字當
依孫炎舊注說文馬部驪馬青驪白鱗文如鰓魚也
此正段鄰爲鱗之義而所以名驪之故亦可了然矣
俞氏樾羣經平義疑魚可言鱗馬不可言鱗不知下
文又曰彤白雜毛駟二目白魚說文馬部駟謂色似
鰓魚也郭注魚似魚目也是馬之得以水族命名者
甚多驪馬之言鱗亦猶是也

青驪繁鬣

郭注禮記曰周人黃馬繁鬣繁鬣兩被

毛或曰美髦鬣邢疏今禮記本繁作蕃則或說爲得
案此經自駟白駟下皆釋馬之毛色不應此繁字獨
異且孔疏明堂位蕃鬣曰蕃赤也能氏以爲黑色是
禮之蕃鬣正以爲毛色不以爲兩被毛及美髦鬣也
郭注知爾雅此文卽釋明堂位彼文而不知彼之蕃
鬣正與黑鬣等文一例蕃亦毛之一色殊疏惟蕃爲
赤黑二色亦於經典無徵王氏引之經義述聞謂繁
者白色也讀若老人髮白曰皤此說確不可易上釋
草繁皤蒿郭注白蒿又釋蟲有皤鼠負卽廣雅釋獸
之白鼯白蒿謂之皤白鼠謂之皤故白鬣謂之蕃而

此經又轉作繁要皆幡之音段字耳

驪白雜毛騊

郭注今之烏驄

案說文馬部無騊驄下曰馬青白雜毛也疑此經之騊卽許書之驄故郭以烏驄注之此釋詩鄭風大叔于田之乘乘鵠也毛傳驪白雜毛曰鵠與此文正同而鵠字從鳥不從馬非馬名之專字故許君於鳥部鵠篆下不箸馬名之說而別出一驄字以當之後人以鵠言馬妄易馬旁陸元朗毛詩釋文且以從馬爲正字謂依字作騊失之不知馬之以鳥名者往往有之如左定三年傳唐成公如楚有兩肅爽馬正義引馬融說肅爽鴈也其羽如練高首而修頸馬似之天

下稀有卽其例也元本爾雅此駮字必亦從鳥不從馬可證以毛傳而知也

陰白雜毛駮

郭注陰淺黑今之泥驄俞氏樾羣經平

議陰當讀爲黹說文黑部黹黃黑也黹爲黃黑其色非黃非黑可謂之淺黑亦可謂之淺黃此承上文黃白雜毛之下則淺黃之義爲長

案說文皐部陰闇也陰本有闇黑義在不煩段字爲之惟此陰字實不作陰黑義解說文絲部紺帛深青而揚赤色也段氏玉裁注揚當作陽猶言表也明此陰白猶彼言揚赤矣揚赤言其表則陰白言其裏可知元本爾雅當作陰白雜毛黑駮自後人以此句多

一黑字不能與上文驪白雜毛馬下文蒼白雜毛騅等句法一例而陰本又有黑義遂妄刪之耳今攷說文馬部駟馬陰白雜毛黑是許君所見爾雅尙有一黑字可知或反据已誤之爾雅以改訂說文眞甚如古毛氏本改黑作也段氏玉裁注疑黑上奪陰淺二字下奪也一字皆据已誤之爾雅改訂說文也既差我馬差擇也

案太平御覽八百九十四獸部五馬一引無差擇也三字疑此三字元非爾雅所有詩小雅吉日篇既差我馬毛傳差擇也正義差擇釋詁文今釋詁文無既差我馬句如孔穎達所見爾雅此條有差擇也三字則孔必引釋詁此文不引釋詁彼文也此爾雅此條

元無差擇也三字之明證上釋草有莖齊實左襄二十一年傳而何敢差池杜注不齊也又荀子正名篇差差然而齊楊倞注不齊貌是差本有齊義雅蓋引詩吉日文而以宗廟齊毫三句釋差字義也後人見毛傳詰差爲擇而宗廟齊毫三句又別見車攻篇傳中遂衍差擇也三字耳不知此三字實乃郭注觀宗廟齊毫三句之注皆與毛傳無異可知此三字郭亦本毛傳爲注無疑

摩牛 郭注出巴中重千斤邵氏晉涵正義出西甯府西甯衛今之野牛也

案西甯隸今甘肅省爲漢金城郡臨羌縣地

詳李兆洛歷代

地理志韻
編今釋

與郭注巴中之說不合唐張參五經文字

載爾雅牛屬字獨無摩字疑此摩字實乃犛之形誤
字山海經中次八經荆山其中多犛牛郭璞彼注旄
牛屬也黑色出西南夷徼外也音狸一音來畢氏沅
校曰犛旄牛正字而郭云旄牛屬也別音狸不達甚
矣今攷郭注此經獵牛曰旄牛也郭惟以獵牛爲旄
牛而此經又別出犛牛一名故以山海經之犛牛爲
旄牛屬而不敢謂山海經之犛牛卽旄牛也藉見郭
所据爾雅摩牛之摩正作犛也且荆山正在巴中與
郭出巴中之注亦自脗合然則郭注山海經何以又
言出西南徼外曰說文部首犛西南夷長髦牛也郭

蓋本許義也實則言巴中卽可該西南夷荀子彊國篇西有巴戎楊倞注巴在西南戎在西皆隸屬秦此言巴中卽可該西南夷之的據國語十七楚語上巴浦之犀犛兕象韋昭注犛犛牛也此亦犛牛出巴中之一證也

犛牛 郭注犛牛庠小今之犛牛也又呼果下牛出廣州高涼郡邵氏晉涵正義犛牛卽每牛也逸周書王會篇云數楚每牛每牛者牛之小者也犛每聲之轉嚴氏元照匡名此臆說也犛每之聲不相近

案說文牛部無犛方言十犛短也桂林之中謂短犛說文矢部亦無犛周禮春官典同職陂聲散鄭注引

鄭大夫陂讀爲人短罷之罷又夏官司弓矢職痺矢
鄭注引鄭司農云庠矢讀爲人罷短之罷是方言之
罷卽罷之俗字人之短者謂罷因而牛之短者亦謂
罷此罷字當亦作罷後人以言牛妄加牛旁耳周禮
地官大司徒職其民豐肉而庠鄭注庠猶短也後漢
書八十五東夷列傳有果下馬章懷注高三尺乘之
可於果樹下行此牛亦有果下之名其短小可知故
郭亦以庠小注之

黑臀特

郭注毛詩傳曰黃牛黑臀此宜通謂黑臀牛

邢疏詩小雅無羊篇云誰謂爾無牛九十其特毛傳
云黃牛黑臀曰特毛意以此言黑臀明不與身同色

而牛之黃者眾故云黃牛也其實不主爲黃牛故郭氏云此宜通謂黑脣牛

案詩周頌良耜篇殺時牯牡毛亦傳黃牛黑脣曰牯牛色不一而毛獨專主黃牛必非無本疑古本爾雅此上元有黃牛二字自黑脣牯以下五條皆別黃牛黑所在之名與上文白馬黑脣牯黑喙騶等句法正一例說文牛部牯黃牛黑脣也詩小雅正義引某氏亦曰黃牛黑脣曰牯可見許君所據爾雅與某氏所注爾雅黃牛二字尙未奪尙皆與毛傳文同

羊牡羴

郭注謂吳羊白羴

牝羴

郭注詩曰羴羊墳首

夏羊

郭注黑羖羝

壯羴

郭注黑羝也歸藏曰兩壺兩羴

牝羖

郭注今人便以牝羖爲白黑羊名

案李時珍本草綱目獸部一羊集解生江南者爲吳羊頭身相等而毛短生秦晉者爲夏羊頭小身大而毛長是羊有吳羊夏羊二種雅以羴羖釋夏羊之牝牡故郭知牝牝爲吳羊之牝牡也吳羊色白夏羊色黑說文羊部羝牡羊也是無論吳羊夏羊其牡皆名羝故郭以白羝注吳羊之牡黑羝注夏羊之牡也說文羊部牝牝羊也牝牡羊也蓋以牝爲吳羊之通名非謂牝亦牡羊與雅異也角部觥牝牝羊生角者也

曰牝牂羊可見牂不爲牝羊之專名矣說文羴夏羊
牡曰羴與雅合羴夏羊牡曰羴又與雅不合蓋羴亦
爲夏羊牝牡之通名非謂羴亦牡羊牝者無羴名也
詩小雅賓之初筵篇俾出童羴鄭箋羴羊之性牝牡
有角卽其切證故郭通以黑羴懸注夏羊而曰今人
便以牂羴爲白黑羊名也玉篇羊部以牂爲羴羊可
也以羴爲牝羊是不知牂可兼羴羴不可羴牂矣廣
雅釋畜羴羊犛曰羴以羴爲牡羊可也列子天瑞篇
老羴之爲猿也張湛竟注羴爲牝羊是不知羴可兼
羴羴不可羴羴矣段氏玉裁据雅以改許書程氏瑤
田通藝錄又据諸字韻書以改雅皆鹵莽也皆未卽

郭注而尋繹之也

角不齊觭

郭注一短一長說文角部觭羊角不齊也

案齊同也見左襄二十二年傳以受齊盟注淮南十七說林訓尺寸雖齊必有詭高誘注詭不同也然則觭之言詭也以言羊角故別製从角字耳或據說文𠂔部𠂔羊角也乖戾也𠂔相當也相當卽兩角齊戾卽不齊何以角部又有觭字曰𠂔部之乖爲凡角不齊之名角部之觭則專爲角不齊之羊之名以觭名其羊非以觭名其角也否則此經上下文皆釋羊名獨此條釋羊之角有是例乎說文觭羊角不齊也蓋連篆讀觭羊下闕謂觭羊之角不齊耳

未成毫狗

郭注狗子未生羶毛者釋文毫字又作豪

案儀禮既夕禮十三白狗幣鄭注未成豪狗賈公彥疏未成豪狗者爾雅釋畜文也是高密所見爾雅正作豪不作毫未成豪狗與上文未成羊羴下文未成雞健文法正一例書序西旅獻葵釋文引馬云葵作豪酋豪也正義引鄭云葵讀爲豪西戎無君名强大有政者爲邇豪然則豪葵古通用未成豪卽未成葵也据下文狗四尺爲葵是未至四尺之狗皆不得以葵名未成豪狗者言四尺以下之狗通稱爲狗耳郭注失之

絕有力狔狗也

郭注詩曰無使狔也吠邢疏壯大

絕有力者名狻狻卽狗也說文犬部無狻字邵氏晉
涵正義狻與獫聲相近卽獫也郝氏懿行義疏說文
獫狻犬也狻狻犬也一曰逐虎犬卽此類

案說文犬部龍犬之多毛者上文未成毫狗郭注狗
子未生龍毛者多毛之狗與未生毛之狗同名郭注
必不如是穆天子傳四天子之豪馬豪牛龍狗豪羊
郭璞彼注龍茸謂猛狗或曰龍亦狗名知郭讀此
條龍狗連文合絕有力狻四字爲一科謂絕有力者
名狻狻卽龍狗也非謂狻一名龍又一名讀龍一字
斷也說文獫犬惡毛也何承天纂文獫𧈧皆多毛犬
也引見淵鑑類是獫與龍同義疑此狻卽獫之俗字

獸部狗一

故龙亦名狢廣韻下平六豪以狢猥猥狢四字皆奴
刀切詩齊風還篇遭我乎狢之間兮崔靈恩集注本
見彼漢書地理志引此詩竝狢作猥狢之當作猥猶
狢之或作猥矣狢从狢聲狢又與政同从丑聲說文
女部政下引今書洪範無有作好爲
無有作政而从兆聲之宛廣雅釋詁一好也姚方
言十三好也可見丑聲兆聲古亦相近例得通用太
平御覽九百九獸部一二十引詩猥又作狢据此經釋
蟲有蜚蠊則龙狗之卽狢亦猶蜚蠊之卽蜚矣

雞大者蜀

郭注今蜀雞徐氏孚吉詁蜀之爲言獨也

謂生是使獨莫與並大也

案莊子雞篇庚桑楚越雞不能伏鵠卵魯雞固能矣
陸元朗釋文越雞司馬向云小雞也或云荆雞也魯

雞向云大雞也今蜀雞也是此經之蜀雞卽莊子之魯雞越荆魯蜀皆地名當是越荆之雞小魯蜀之雞大因卽其地以名其雞耳徐說非是左宣十八年傳楚於是乎有蜀之役杜預注蜀魯地泰山博縣西北有蜀亭然則蜀亦魯地魯雞亦曰蜀雞蓋以小名代大名

羊六尺爲羝 郭注尸子曰大羊爲羝六尺者釋文羝本亦作羝盧氏文弼攷證說文有羝無羝山海經西山經錢來之山有獸焉其狀如羊而馬尾名曰羝羊郭彼注今大月氏國有大羊如驢而馬尾爾雅云羊六尺爲羝謂此羊也羝音羝畢氏沅校曰羝非古字

當爲麋說文云山羊而大者細角

案說文鹿部又有麋字大羊而細角麋非鹿而從鹿猶麋非鹿而亦從鹿也羖五尺爲羖而上文釋獸有絕有力羖句以彼例此疑羊屬之絕有力奮元作絕有力麋不知何時誤以絕有力麋四字重出於釋獸熊虎醜其子狗下又見郭注雞屬絕有力奮曰諸物有氣力多者無不健自奮迅因反改羊屬絕有力麋之麋爲奮不知奮在說文奮部從奮在田上雞本佳屬故以奮爲絕有力名若羊則非佳屬何得仍襲奮名郭注諸物蓋兼釋鳥雉之絕有力奮言之非郭所据爾雅麋已作奮也觀郭注熊虎醜其子狗止引律

曰捕虎一購錢三千狗半之可見郭所據彼文並無絕有力麋四字故注不及麋廣徵經典亦未聞熊虎絕有力有名麋者

狗四尺爲獒

郭注公羊傳曰靈公有害狗謂之獒也

尙書孔氏傳曰犬高四尺曰獒卽此義邢疏宣六年傳靈公有周狗謂之獒何休云周狗可以比周之狗所指如意今此周作害蓋傳寫誤或所見本異也阮氏元校勘記單疏本標起止云注公羊至之獒是邢氏所據郭注無尙書以下十五字

案上釋鳥鳥鼠同穴注引孔氏尙書傳云共爲雌雄是東晉僞書郭注未嘗不取獨此十五字不惟朱槩

單疏本無之卽古逸叢書所刊影宋蜀大字本亦不
有其爲後人附益確無可疑周害形近往往互譌如
禮緇衣鄭注古文周田觀文王之德爲割申勸甯王
之德俞氏樾讀鹽鐵論地廣篇夫賤不周知貧不妨
行謂周乃害誤不害猶不妨又孟子萬章篇諸侯惡
其害已也序周禮廢興作惡其周亡悉害周形誤之
證何休解周狗爲可比周失諸穿鑿孔氏廣森公羊
通義以周狗爲周地所出據釋文引廣雅殷虞晉獒
楚獠韓獬宋玃皆良犬也獨不及周狗是靈公之狗
並非周地所出孔說亦未允說文犬部猗猗犬也竊
謂古本公羊元作害狗爲獠之省段字

本洪氏顧煊
讀書叢錄

何休所見當是誤本士禮居叢書有影宋連江葉氏
本博物志其卷四曰晉靈公有害狗名獒知張華所
見公羊正與郭所見本同正作害狗不作周狗則作
周狗爲誤本亦確無可疑